



**Entschuldigung, Vnd endtliche beständige Erklärung Doctoris
Nicodemi Frischlini, gestelt an den löblichen Adel, Teutscher
Nation. : Jn wölcher lautter dargethon würdt, daß er in seiner
Oratione de vita rustica (wie auch in andern seinen Schrifften)
den löblichen| Adel anzutasten zuverkleinern oder
zuschma?hen niemalen bedacht gewesen.**

<https://hdl.handle.net/1874/430334>

12. 8/
Entschuldigung/

Und endtliche besten-
dige Erklärung Doctoris Nicodemi
Frischlini, gestelt an den löblichen Adel/
+ Teutscher Nation.

In wölcher lautter dargethon würdt/
daß er in seiner Oratione de vita rustica (wie
auch in andern seinen Schrifften) den löblichen
Adel anzutasten / zuverkleinern / oder zu
schmähen niemalen bedachte
gewesen.

D. Nicodemus Frischlinus

Comes sacri Palatij, & Poëta
coronatus.



Getruckt zu Tübingen/ bey Georgen
Gruppenbach/ Anno 1585.

1688

Seiner Excellenz

der Kaiserlichen Hof- und
Landes-Physici

Dr. Johann Baptist
Sperdy

der Medicin Doctor

in Wien

in der Stadt

in der
Kloster-
gasse

Dr. Johann Baptist Sperdy

der Medicin Doctor

in Wien



Dr. Johann Baptist Sperdy

der Medicin Doctor

Vertical text on the left margin, likely bleed-through from the reverse side of the page. It is mostly illegible due to fading and the angle of the page.



W I E / Bestrenge / Beste /
 Günstige liebe Junckern / vnnnd
 Herrn / Ewer Herligkeit / Bestrenge
 vnd Beste / bitt ich ganz vnderdienstlich /
 dienstlich vnnnd fleissig / die wöllen disen
 meinen gründtlichen Bericht / vnd ent-
 liche Erklärung meines Gemüts / wölche ich Ewer H. G.
 vnd Beste / zu vnderdienstlichen Ehren / vnd zu vnuermeis-
 denlicher Rettung meiner Vnschuld / an den Tag gib /
 günstighen vernemen / dardurch / meiner ohnzweiffenli-
 chen Hoffnung nach / aller Misuerstand / so wegen einer von
 mir vor langsten in den Truck verfertigten Schrifft ent-
 standen / für ohn bey Ewer H. G. vnd Beste / als Liebhas-
 bern der Gerechtigkeit / vnd verstendigen löblichen Adels-
 personen / gänzlich abgestellt vnd auffgehbt werden mag /
 vnd billich verleschen soll.

Als ich vor ettlichen Jaren bey der löblichen Hohen-
 schul zu Tübingen / die Georgica des Hochberhümpten als
 ten Poeten Virgilij , in denen er von dem Feldbaw vnnnd
 Vizezucht geschriben / der studierenden Jugent (meinem
 Veruff nach / als ein Professor derselbigen Schul) aufge-
 legt / vnnnd mit fleiß erkläret: In massen auch selbige mein
 Auflegung im Truck außgangen / vnd ohn einigen Khum
 zumelden / von vilen gern gelesen / vnnnd gerhümpt worden:
 Hab ich hernach auch ein Orationem in der Schul gehal-
 ten / de vita Rustica: Darinnen ich der jenigen Stand vnd
 thun gerhümpt / wölche mit dem Feldbaw / vnd was demsel-
 bigen anhängig / ombgehn / sich theils damit nehren / theils
 sonstn ihr Frewd vnd Ergekung darinn haben. Wölches
 A ij ich souil

ich souil desto mehr vnd lieber gethon / weil ich in den alten Historien befunden/ daß auch die alleredelsten Römer / eben zu der zeit / da jr Regiment vnd Gewalt am besten vnd höchsten gewesen / sich des Feldbaws nicht geschämpt / sondern ihr Frewd vnd Lust darinn gesucht/ auch selbst in der Feldarbeit Hand angelegt / Daher man auch liest / daß etliche Römische Rahtsherrn / denen man in fürgefallenen schweren Kriegen / vnd andern wichtigen gefährlichen Sachen/ den höchsten Gewalt (daß sie nämlich Consules, oder auch Dictatores werden solten) auftragen wöllen / damall auß dem Feld / vnd vom Pflug / den sie in den Händen gehabt/ in den Raht gen Rom gefordert / vnd ihnen den ganzen gemeinen Nutzen zubeschirmen vnnnd zu regieren befohlen. Wie auch zur selbigen zeit die Personen / welche pflegten den Römischen Raht zusamen erfodern / Viatores genennet wurden/ darumb / daß sie (wann sie einen Raht samlen wolten) vber Feld gehn / vnnnd die Edlen Rahtspersonen auß ihren Feldgütern gen Rom in den Raht holen müssen. In massen noch heuttigs Tags / vil fürtreffentliche Adeltliche (ja auch noch höhere) Personen/ an dem Feldbaw/ iren Lust vnd Ergezung haben / vnd selbst darmit vmbgehn: wölches dann ihnen nicht allein zu keiner Verkleinerung bey verstendigen Leuten gereicht / sondern auch zu erhaltung guter Gesundheit/ nicht wenig dienstlich ist.

Diueill aber auch etliche vnuerstendige Leut / den gemeinen Bauerman / eben darumb / daß er täglich mit der Veldarbeit vmbgeheth / verachten/ vnd sich gegen solchen arbeitsamen Leuten (die vns doch mit ihrer sauren vnd harten Arbeit ernehren müssen) gleich stellen vnd erzeigen/ als ob sie nicht auch Leut vnd Menschen weren: Dagegen aber selbige Personen / sich allein ihres alten Adeltlichen Herkommens/ vnd

vnnnd von ihren Eltern verlassenen Gütter vberheben/vnnnd den grössern theil ihres Lebens in Müßiggang vnnnd vnadellichem Wandel vnd Wesen / zubringen / vnnnd also ihnen selbst an Leib vnnnd Seel offermalen vnwiderbringlichen Schaden zufügen: Hab ich in obgedachter meiner Oratione de vita rustica / solch vnadenlich vnnnd vnblöblich Wesen / gestrafft / vnnnd die Jugend vor selbigem trewlich gewarnet. Vnnnd hab zwar dasselbig mit etwas freyerm Gemüt/vnnnd eben desto schärpffer gethon / diewell in einer Schul / da ein Præceptor mit seinen Schülern vnd befolhenen vndergebenen Jugendt redet / mehr Freiheit / dann sonst an andern orten/je vnd allwegen gewesen: Als da des Præceptoris oder Professoris Wort nicht also auffgenommen oder erwegen vnnnd angezogen werden sollen/als wann sie sonst für Gericht / oder in anderer fürnemmer hoher Leut politischen Versammlung / (da alle Wort auff die Goldwag zulegen) geredt würden. Vnnnd ist freilich mein Gemüt damalen nicht gewesen/in einem Auditorio/ in der Schul / ein allgemeine Reformation des Adels in Teutschland oder andern Ländern/anzustellen. Darzu ich mich vil zugerung/vnuerstendig vnd onuermögenlich erkenne/ wölche auch mir zureformirn nicht vndergeben / noch ich vber sie einigen Gewalt oder Iurisdiction habe. Ich hab aber damalen mein Oration in selbigem Puncten gerichtet/ zur Warnung vnd bestem / den jungen Adelspersonen/ wölche bey den hohen Schulen studieren/vnd bey denen ein grosse Notturfft / das sie von allerhandt Vntugenden abgehalten werden : Von denen auch der Poet Horatius sagt : Cereus in vitium flecti, monitoribus asper: Das sie/ als noch junge zarte Leut/ so leichtlich/ als weich Wachs/mögen zum bösen geleitet werden/wa man nicht fleissig wartet vnd wehret. Dergleichen Warnungen/

Insonderheit bey den hohen Schulen souil desto notwendiger/ dieweil sich vnderweilens etlicher fürnemmer vnnnd reicher Leut Kinder / vnder dem Schein / als ob sie studieren wolten/ auff die Vniuersiteten begeben/ wölche doch zstudieren nicht allein für ihr Personen / kein lust haben / sondern auch die jungen Adelspersonen / wölche wol studieren möchten vnd köndten/daruon abhalten/vnnnd mit sich auff andere Sachen ziehen vnnnd anführen / die ihnen keines wegs gebühren. Vnnnd dieweil die jungen Adelspersonen zur hohen Schul von ihren Junckherrn vnd geliebten Eltern darumb geschickt / daß sie nicht allein studieren / vnnnd gelehrte Leut/ (wölche in wichtigen Sachen den Fürsten vnd Herrn/Land vnnnd Leuten nusslich dienen mögen) werden sollen: sondern auch / daß sie alda in warer Forcht vnnnd Erkandtnus Gottes / auch zu allen löblichen Tugenden auffgezogen / vnnnd bösen dingen Feind werden sollen: Hab ich nicht vnbilllich dafür gehalten / es seie meines Ampts vnnnd Berufs/ daß ich sie vor denen Vntugenden trewlich vnnnd ernstlich verwarne / mit wölchen etliche den löblichen Adel verkleinern / vnehren / vnd demselbigen etlicher massen Schmach zuziehen: Vnd hierdurch nicht allein ihnen selbst schädlich sein/ sondern auch ire geliebte adeliche Eltern/ vnd ehrliche adeliche Freundschaft hoch betrüben vnd beleidigen.

Nachdem ich aber mehrgedachte Oracion der blähenden Jugend/ sonderlich aber den jungen Adelspersonen zur Warnung vnnnd zum besten in der Schul gehalten: Bin ich von etlichen angesprochen vnd bitlich ersucht worden/selbige mein Oracion in den Truck zuuerfertigen / wölches ich ihnen nicht füglich abzuschlagen gewußt: Wie ich auch damalen dafür gehalten/ daß sich nicht gebüren wölle / dieselbige zuendern/ vnd anderst im Truck außgehn zulassen / dann sie
von

von mir in der Schul mündtlich erzehlt worden. Dife Dra-
tion aber/ als sie durch den Truck in viler Leut Händ kom-
men / ist sie von ettelichen vbel auffgenommen / vnd mir das
hin gedeutet worden / als ob ich nicht nur die Laster ettelicher
Personen/so sich des Adels rühmen / straffen / sondern / als
ob ich den löblichen Adel in gemein dardurch antasten / an
ihrem adentlichen Herkommen vnd Ehren angreifen/vnnd
schmähen hette wöllen.

Ich bezeug aber hiemit für Gott dem Allmächtigen/
der aller Menschen Herzen erkennet/vnnd alle Gedancken
weist / daß mein Meinung vnnd Fürnemen weder damalen
noch jetzt gewesen / oder ist / den Adel oder Ritterstandt mit
meiner Schrifft zubeleidigen/ zuuerkleinern/an seinē Ehren
vnnd Reputation anzutasten/nach vil weniger zuschmähen/
oder bey jemanden verhasset zumachen.

Dann ich mich wol zuberichten weiß / daß man keinen
Standt (der an ihm selbstn nicht vngöttlich oder vnehrs-
lich) verwerffen oder antasten soll/vmb ettelicher sträfflichen
Personen willen/wölche sich ihrem Standt nicht gemeh hal-
ten. Dann warumb solten fromme / ehrliche/redliche vnnd
Christliche Leut der jenigen entgelten / deren böse Thaten
sie selbstn hassen vnnd straffen? Weil in allen Ständen/
vnnd also auch vnder dem Adel (Gott lob) noch vil ehrliche
Leut gefunden werden / wölche Gott dem HErrn gefallen/
vnd seiner Kirchen vnd gemeinem Nutzen wol an/vnnd vor-
sehen. So weiß ich mich auch zuerinnern/ob wol alle Men-
schen von einem geblüte (nämlich / vnser ersten Vatters/
Adams) herkommen/ daher auch das Sprichwort entslan-
den: Da Adam reutet / vnd Eva spann: Wer war damals
ein Edelman? Jedoch so hat es der Allmächtig also geord-
net/daß vnder den Menschen auff Erden/vnd in allen wol
bestellen

bestelten Rebuspublicis vnd Regimenten vnder schiden/ vnd gradus vnder den Leuten seien / daß einer in mehr Wården/ Digniteten vnd Ansehen/ auch mit mehrerm Gewalt / dann der ander/ begabt sey : Als die andere Leut/ mit Weisheit regiern / auch im fahl der not mit Gewalt vnnnd ritterlicher Dapfferkeit vnnnd Heldenmut / schätzen vnnnd schirmen könden vnnnd sollen. Daher seind die edle Römer / wölche zum Regiment gezogen/ Patres (daher das Wort Patricij kompt) vnd Equites Romani genennet worden/ darumb/ daß sie zu Fridens vnd Kriegs zeitten/ dem gemeinen Nutzen / wol vnd trewlich vorgestanden / auch für die Vnderthonen ihr Leib vnnnd Leben/ Gut vnnnd Blut/ mit grosser Dapfferkeit daran gesetzt. Es seind auch hernach von den Römischen Keisern jederzeit etliche Personen / ihrer redlichen Thatten / Trew vnnnd Geschicklichkeit halben/ geadet / vnnnd dem gemeinen Mann weit für gezogen worden/ nicht allein darumb / damit ihnen für ihre Tugenden etlicher massen ein Ergekung vnd Belohnung widerführe / (daher auch die adelliche Lehen ihren Ursprung haben) sondern auch der Ursachen halben/ damit andere Leut durch solche Ehr vnnnd Widergeltung/ auch zu löblichen rhumlichen Thaten / Trew vnnnd Geschicklichkeit angereizt vnd erweckt wurden. Vnd ist billich/ daß solche Ehr vnd Dignitet nicht allein auff der Person/ so sie verdient/ beruhe/ vnd mit ihr absterbe / sondern auch / daß der Adel auff ihre Nachkommen gereiche : Damit auch dieselbigen ihrer Eltern loblichen Thaten vnnnd wolhaltens genüssen / vnnnd dardurch ihnen hierin nachzufolgen / bewegt werden mögen: Vnd also ihrer Eltern vnd Vorfahren adellich thun/ in Gedächtnus bleibe / vnd durch derselben Nachkommen rühmlich adellichen Wesen/ täglich erfrischet vnnnd ernewert werde.

Dann

Dann ob wol alle Menschen/ edel vnd vnedel/ die angeborne Sünd mit sich an dise Welt bringen / daher sie alle von Natur zum bösen geneigt vnnnd angereicht werden: So kan vnnnd soll man doch nicht laugnen / das in den adelichen Geschlechten vil herrlicher Tugenden/ in den Nachkömmlingen fortgepflantzt werden / welche hernach / wann die jungen Adelspersonen erwachsen/ vnd zu ihrem rechten Verstande vnd Kräfte kommen (ihnen zu Ehren/ vnnnd dem Vaterlande zu nutzen) sich ereigen vnnnd erzeigen. Daher auch ein heidnischer Poët / Horatius (auß täglicher Erfahrung) geschriben:

Fortes creantur fortibus: & bonis

Est iuuenis, est in equis Patrum

Virtus: nec imbellem feroces

Progenerant aquila columbam.

Mit welchen Worten der Poët hat zuuerstehen geben wollen / das dapffere Leut / werden von dapffern vnnnd redlichen Leuten gezeuget. Vnnnd wie die gestalt des Angesichts an den Kindern repräsentiert / vnd zeigt etlicher massen ihrer Eltern gestalt an: Also spürt man auch adelich Gemüt vnd Dapfferkeit an denen / so auß adelichen guten Geschlechtern ihr Herkunft haben. Vnnnd souil desto mehr / wann solche Leut / von Jugent auff / Christlich / adentlich vnd wol / zu allen löblichen vnd adentlichen Tugenden erzogen werden. Solchen adentlichen Personen stehet all ihr thun vil artlicher vnd zierlicher an / dann andern gemeinen Leuten: vnd findet sich bey ihnen auch vil ein dapfferer vnd bestendiger Gemüt / dann etwo bey dem gemeinen Mann: Daher sie dann nicht allein edel / sondern auch vest genennet werden. Vnd solche Adels-

B

personen

personen sollen billich von jedermenschlich ehrlich vnnnd hoch
 gehalten werden. Dann solche Leut seind ein recht orna-
 mentum Reipublicæ / ein Zierd vnnnd Geschmuck in den
 Regimenten: Durch deren Verstand/ Weißheit/ Redlich-
 keit/vnnnd Dapfferkeit der Allmächtig den gemeinen Nutzen
 erhalt/ vnd vor vilfeltigem Vnsahl vnd Jamer bewaret. Es
 pfleget auch die heilige Schrifft/ fürtrefflichen/ dapfferen
 2. Sam. 23. Personen / so sich ritterlich erzeigt / den Namen zugeben /
 daß sie berhümpte Leut (das ist/ nobiles) genennet werden/
 vnnnd ensteuche auch den adentlichen Weibspersonen ihren
 adentlichen Tittel nit: Da doch sonst/in Religions Sa-
 chen / vnnnd vor GOTT kein ansehen der Personen gehalten
 1. Act. 17. würdt. Warumb wolt dann ich den Adelpersonen jren wol-
 hergebrachten Namen/ Ehr/ Würdigkeit/ vnd Reputation
 entziehen: Die jnen doch Gott der HERR selbs gönnet? Dis-
 ses ist je vnd allwegen mein Meinung gewesen/vnnnd auß er-
 zelhten Vrsachen/ halte ich den Adel / hoch vnnnd in Ehren:
 Nicht allein von wegen jhres adentlichen Herkommens/ vnd
 adentlichen Vorfahren / sondern auch jhrer adentlichen Tu-
 genden halben/ mit denen sie Gott/ vor andern / geziehret.

Derhalben hat es mich bisdahero/ nicht wenig betrübt/
 dz vilermelte meine Oration/anderst daß ichs gemeindt/ an-
 genommen/ vnnnd dahin verstanden werden wollen/ als solte
 ich mit derselbigen den löblichen Adel verkleinern / vnnnd
 schmällich anziehen haben wollen. Dann was ich in dersel-
 ben / von vnadelichen Vntugenden ettlicher Adelpers-
 onen geredt/ vnnnd geschrieben / darmit hab ich keins wegs/
 fromme/ ehrliche/ wolgezogene/ Gottsfürchtige / tapffere/
 vnnnd lobwürdige Adelpersonen / sondern allein die jenigen
 angezogen / welche offentlich solche Laster (deren ich Mel-
 dung

dung gethon) ohn alle Scheuch/erschrecken/ vnd dermassen dem
 selben ergeben/ daß sie auch deren ein Krum haben wollen.
 Vnd weiß ich fürwar/ daß ich wider solche vnadeliche Edels
 leut/ nichts so herb in meiner Oratio geschriben/ das nicht
 lang vor mir/ durch den hochgelehrten Herrn Erasmm Ros
 terodamū, Ludouicū Viuem, (der doch selbst ein Adels
 person auß Hispania gewesen) vnd von vilen andern fürnes
 men gelehrten Leuten/ vil herber vnd schärpffer sey geschri
 ben: Denen es doch zu gutem gehalten/ vnnnd sich dessen die
 frommen/ verstandigen/ vnnnd löblichen Adelspersonen/ nichts
 angenomien/ noch darüber erzörnet haben. Ich hab in mei
 ner Oratio (wie der Allmächtig weiß) von solchen Leu
 ten geschriben/ deren sich andere Adelspersonen selbst
 schämen/ sich von ihnen abziehen/ wo sie jummer können/ vnd
 leiden möchten/ dz sie in fernen frembden Landen weren/ das
 mit sie deren nit Vnehr hetten. Vnd zweiffelt mir nicht dar
 an/ es seien auff disen tag vil ehrlicher fürnemer vom Adel/
 welche ernstlichs/ vnnnd fleissigs nachgedenckens haben/ wie
 solchem vnadellichem Wesen gewöhret/ vnd gesteuert/ vnd
 der löblich Adel bey meniglichen/ in seiner gebürtlichen Re
 putation erhalten werden möge/ Wie ich mich dann wol zu
 erinnern weiß/ daß dergleichen hochuerstendige vom Adel/
 mehrmalen gewünscht/ daß die Turnier widerumb/ nach
 den alten Turnierbüchern angerichtet/ vnd zur Besserung
 viler Adelspersonen/ in Teutschland gehalten würden/ dar
 durch der jung Adel sonderlich von vilen Lastern abgezogen/
 abgehalten/ vnnnd abgeschreckt würde/ wann sie im Augens
 chein selbst sehen köndten/ dz die jenigen/ so den Adel miß
 brauchen/ vnd mit frem hochsträfflichen Leben verunehren/
 einweder von solchē adentlichen Ritterspilen öffentlich auß
 geschlossen/ oder ja ernstlich disciplinirt/ vñ corrigirt wurden.

Dann es ist vnlugbar / das/ wie gute Ecker / vnd Welcker nicht allr dings ohne Unkraut sein / also haben auch alle Stände/wie gut vnd herrlich sie jimmer sein mögen/auch ihr Unkraut/das zwischen dem guten Samen wächst. Vnd ist selten ein Freundschaft / auch vnder fürnemmen Geschlechtern / in deren nicht ettwo ein Person zu finden / deren sich die andern schämen / vnnnd abihren bösen thun / grosses misfallen haben vnnnd tragen: Wölches in diser Welt nicht kan aller dings verhindert/auch nicht alles verbessert werden. Vnd hat sich dannoch niemants billicher weise zubeschweren/waß öffentliche Vnthaten gescholten / vnnnd nicht gelobt werden: Sonderlich wann selbige zu grosser Ergernus vnnnd Schaden der zarten Jugend/ ihren Fortgang haben wollen.

Das aber in meiner Oracion geredt/ vnd geschriben ist: Hic vnū noris, omnes noris: Hierinn kennestu einē/so kennestu sie alle: hab ich in der warheit/nit von allen Adelspersonen/ sondern von denen gehandelt / welche nicht allein für sich selbst vnrecht/ vñ sträfflich leben/sondern auch/wann andere jres Standts/vnbilliche vnd vnbesügte / vntöbliche Sachen fürnemen / vnd ihnen solches verwisen würdt/ sie sich derselben sträfflichen Personen/nichts desto weniger mit Ernst annemen/dieselbigen keins wegs fallen lassen wollen/ sondern sie verthädigen / vnd sich also frembder Sünden/ vnd Vbelthaten theilhaftig machen. Vnnnd das dises (vnd kein anders) mein Meinung gewesen / bezeugt der ganze Contextus Oracionis am selbigen Ort: wann man nämlich nicht nur dise wort (Vnum noris, omnes noris) heraus zwacket/ sondern mit kattsinnigem vñ vparttheissem Gemüt lifet/was vor vnd nach gehet. Auch hab ich in vilgemelter Oracion / mich lauter erkläret / das ich nicht von allen Adeltichen Personen / so von Adeltlichem Geblüt geborn/
vnd

Hierinn) Das ist vnder den jenigē / von welchen an selbigem ort vnder schidlich geredt vnd gehandelt würdt: vnd da die Wort alle dem alten Poeten Terentio abentlehnet worden. Vide Terent. in Phorm. Act. 2, scen. 1.

vnd ihrer Vorfarn/ Schilt vñ Wappen führen/ rede: Dann
 ich wisse/ daß vnder dem Adel fürtreffentliche Personen sun-
 den werden / wölche Gott den Herrn fürchten / Gottselig
 leben/ ihre Fürsten in Ehren haben / Gerechtigkeit lieben/
 auch gelehrte Leut in Ehren halten / demüthig / nüchtern/
 züchtig/ erbar/ vnd bescheidenlich sich halten / von disen vnd
 dergleichen / wölle ich nichts geredt haben / noch sie in mei-
 ner Oratton gemeint haben. Vnd were wol billich gewesen/
 da man hat auß meiner ganzen Oratton / etliche wenig
 Blättlin (darinn ich das vnadentlich wesen gestrafft) ver-
 teutschen wölle/ daß man auch jeh gemelte/ mein Protesta-
 tion / welche eben derselben Oratton einuerleibt / gleichs-
 fahls zu meiner Entschuldigung verteuscht / vñnd so wol/
 als das ander spargiert hette : so weren dise Sachen zu sol-
 cher weitläufftigkeit nie gerahten. Es ist ja recht / vnd wol
 von den alten gesagt/ vnd in den Rechten gegründet: Quilibet
 est interpretator uerborum: daß ein jeglicher Macht
 hab/ seine eigne wort zu erklären / wie er dieselbige gemeinde
 hab. Wann dann nicht allein der Buchstab in meiner Ora-
 tion / diß nicht mit sich bringt / daß ich solte den löblichen
 Adel in gemein geschmähet haben / sonder ich mich seibhes
 ro/ so mündtlich/ so schriftlich (auch in öffentlichem Truck)
 mehrmalen erkläret / daß ich solches dem löblichen Adel zu
 keiner Verkleinerung geschriben : so haben sich (Gott lob)
 vil verstendiger / vnd fürnemer vom Adel / gegen mir ganz
 gänstig erkläret/ daß sie mit mir wol zufrieden/ vnd sich mein
 Oratton (als die sie vnd ihres gleichen nicht betrifft) nichts
 iren lassen/ wie sie auch nit allein für jr Person rhüwig sein/
 sondern auch mich gegē andern vom Adel / gänstig entschul-
 diget / vnd sie rhüwig zusein/ freundlich ermanet/ darfür ich
 dann mich gegen jnen / ganz vnderdienstlich vnd fleißig be-
 danken thu.

Die andern aber vom Adel / so wider mich noch etwas bewegt / einweder auß vngleichem Bericht / vnd hitzigem Fürbringen / oder daß sie mein Oratton / noch nicht nach Notdurfft / mit allen Vmbständen möchten erwegen haben: Will ich vnderdienstlich / dienstlich vnd fleißig gebetten haben / sie wöllen denen Sachen besser / vnd mit kalsinnigem Gemüth nachdencken / vnd den gefastten Widerwillen gegen meiner Person / nunmehr auß hieroben warhafftig außgeführten Beschaffenheit / fallen lassen. Dann gibt jnen ihr Gewissen zeugnus / daß sie solche Leut sein / wie Adelspersonen sein sollen / so haben sie sich meiner Oratton diß theils / in vngutem nicht anzunemen / als die wider sie / im wenigsten nicht gerichtet / sondern in frem löblichen Adeltlichen wesen / vorgemelter massen / vil mehr gerhümet. Überzeuget sie aber jr Gewissen / daß sie ihrem Adeltlichen Stand nicht genug gethon: so wöllen sie das jenig / so vnrecht vnd vnloblich / ver bessern / in ansehen / daß es jnen nicht nur vmb ihr Adeltliche Reputation / sondern vmb ihr ewige Seligkeit zuehun: welche sie in einem so vnordenlichem / vnadellichem wesen vñ Le ben / darüber möchten einbüßen. Vnd laß ich mich nicht jren / daß mir von etlichen fürkommen / als solten sie mich zuentleiben jnen fürgesetzt haben. Dann da gleich einem oder mehreren solche vnbedächtige Reden solten entfahren sein / will ich doch selbige anderst nicht annemen oder verstehn / dann daß es auß bewegtem Gemüt (ex calore iracundiæ) vnd auff vngleichem Bericht beschehen sey / vnd sich keiner vom Adel vnderstehn werde / ein solches / das vnbedächtlich geredt / in das Werck zurichtē. Dann was köndte ein Adels person für ein Rhum hierdurch erlangen / daß er mich / als ein armen Schulherrn / der fechtens vñnd kempffene vn geübt / entleibte / mein liebes Weib / vñnd vnerzogene liebe
Kinds

Kindlin zu Wittib vnd Waisen machte? dardurch ja niemanden geholffen: vnd ein solcher (neben dem er der Obrigkeit Straff gewertig sein müste) auch Gottes ewigen Zorn / vnd ein jimmerwehrenden nagenden Wurm in seinem Gewissen mit sich die Tag seines Lebens / in seinem Herzen vmbher tragen müste.

Derwegen will ich nochmalen alle Adelspersonen / mit diser meiner Schrifft ganz vnderdienstlich / dienstlich vnd fleissig gebetten haben / die wöllen an diser meiner außführlichen / entlichen vnd gründlichen Erklärung / ein günstigs Vergnügen haben / vnd sich zu rhu vnd friden geben: Auch alles das jenig / so durch mich geredt / oder geschriben (als etts was zuhart oder scharpff) möchte vnrecht angenossen worden sein / auff den bessern theil deuten vnd auffnehmen. Bin ich auch dargegen vrpittig / meine Gaben / so mir der Allmächtig verlihen / vermittelst Göttlicher Gnaden / zu seiner Göttlichen Allmacht Ehr / der studierenden Jugend zu Nutzen / vnd dem löblichen Adel zu Ruhm / bestes fleisses anzuwenden. Vnd will den Allmächtigen von Herren anruffen / er wölle den Adelichen Stand / in seinen Würden vñ Wohlstand / zur Wolfart der Christenheit / vnd aller Christlichen Polycelen / gnädiglichen bis ans End der Welt erhalten / Amen.

E N D E.

1768229

... in ...
 ...
 ...
 ...
 ...

...
 ...
 ...
 ...
 ...
 ...
 ...
 ...
 ...
 ...
 ...
 ...
 ...
 ...
 ...
 ...
 ...
 ...
 ...
 ...

...
 ...

...